

alcuni di anni 30, 40, 50, 60, i quali si fanno sodo-
 mitalar. Però sia preso, che se li agenti acuserà tal pa-
 cienti da anni 5 in qua, siano asolti et habi ducati
 300 di beni di delinquenti, si non di la cassa dil Con-
 sejo di X, e questo in termine di 8 zorni, sichè per
 la sua acusa si habi la verità, et pasadi, incorano in
 la pena etc., *ut in parte*; la qual fo cosa di grande
 importantia e dar gran nota a la terra. Et quando fo
 publicata, era a Rialto e l'udi e molti forestieri ri-
 devano, dicendo li vechii si fano lavorar; sichè per
 tutto il mondo anderà questa nova: *tamen* lo Excel-
 lentissimo Consejo di X l'à fata, e bisogna obedirla
 et laudarla.

Ancora fono chiamà alcuni altri, per dito Consejo
 di X, in la cosa di bari di tesseri di panni, si vengano
 a presentar per la secta facta.

Da poi disnar, fo Pregadi et vene letere:

*Di campo, da Castion, dil provedador Gri-
 ti, di 27.* Coloquii con monsignor di Lutrech, qual
 à ordinà di far un consulto con quelli capitani fran-
 cesi e altri, e moverli ad ogni modo, e venir pro-
 pinquo a Verona; e lui provedador è di opinion si
 vegni a Gusolengo. Sollicita si provedi di danari e
 danari. *Item*, artellarie, ponti e guastadori etc.

Dil provedador Gradenigo, da Porto, di eri.
 Avisi di Verona, *ut supra*; et esser usiti molti cit-
 tadini fuora per la gran confusion è in quella terra.

Fo scritto in campo al provedador Griti solici-
 tando il venir avanti, et non mancheremo di dana-
 ri etc.

Fo scritto in Franza in consonantia etc.

Et leto le letere scrite per il Consejo di X etc.

237 Fu posto, per il Colegio, far 4 guardiani di zudei
ut in parte, quali 16 siano electi per li XX Savii, et
 di quelli, 4 rimagni nel Colegio nostro. Sier Hironi-
 mo Contarini, sier Matio Orio cai di XL, messe che
 li XX Savii preditti siano quelli li elezi. Andò le
 parte

Fu posto, per sier Francesco Falier provedador
 sopra i danari: atento si ha a far do Provedadori
 sora le aque, che siano electi per Gran Consejo a
 uno a la volta con danari. Sier Luca Trun savio dil
 Consejo andò in renga dicendo la grandissima im-
 portantia di quel officio, e voria esser li primi di la
 terra, *adeo* il Falier si tolse zoso et non mandò la
 parte.

Et licentià Pregadi, restò Consejo di X con la
 zonta; steleno pocho, scrissero certe letere.

A dì 30. La matina nulla fu di novo; et di or-
 dine di la Signoria, sier Lorenzo Venier dottor intrò
 avogador in luogo di sier Michiel Trivisan, qual pe-

rò fo electo in luogo di sier Francesco da cha' da
 Pexaro: et questo fu fato aziò l'officio non patissa.

Da poi disnar, fo Consejo di X semplice, et fo
 prima spazà uno era in preson incolpà per morte di
 homo, qual biastemò crudelissimamente Dio e la No-
 stra Dona, et fu preso tajarli la lingua et poi la te-
 sta Venere.

Item, expediteno li monetarii retenuti, *videli-
 cet* uno li sia taià la testa, poi brusato; uno altro, che
 non à confesà, è gran indicii, l' ha confinà anni 10 in
 la Liona; uno fu preso soto un vólto di la chiesa di
 San Marco, sia remesso là. *Item*, una femena spen-
 dea queste menede false, li sia tajà la man.

Et uno medico, pur per dite monede incolpado
 et era innocente, fu absolto.

*Di campo, da Castion, fo letere di 28, dil
 provedador Griti.* Come Lutrech fe' el consulto,
 ma manchava a far con altri capitani, et *omnino* si
 voleno levar. Sollicita si mandì li danari etc.; et in
 questo è stà mandà ducati 20 milia et 10 milia per
 letere di cambio.

Item, si ave aviso come Zorzi Busichio capo di 237*
 stratioti, hessendo cavalcà verso Verona et venuto
 fuora alcuni cavali di sacomani, ne prese zercha 25
 di loro, et volendo andar più avanti, lui fu preso
 et conduto in Verona. Scrive che lo rescoderano
 per li presoni hanno; sichè si averà. È zovene dito
 Zorzi; ma degnissimo e valente capo, e in questa
 guerra sempre à fato optime fazione.

Di Porto, dil provedador Gradenigo, di 28.
 Come in Verona hanno butado uno tajon, *videlicet*
 a San Stefano e San Zorzi ducati 300 per pagar
 quelli pochi sguizari restano, altramente i conveni-
 vano tuorli in li monasterij e farli le spese; et hanno
 butà a la terra uno altro tajon di ducati 3000 et du-
 cati 500 a li preti, over canonici dil Domo, per pagar
 li todeschi e li spagnoli; et se per tutto Zuoba ulti-
 mo di questo non verà danari da l' Imperador per
 pagar ditti fanti, ogni cosa anderà in remor, perchè
 vorano le spese da la terra. Li soldati sono in gran-
 de differentia con il conte di Chariati, perchè i vol ha-
 ver le spexe over tutta la paga, e lui non ha da dar-
 gela; sichè non sa come i farano.

Di Padoa, di rectori. Atendeno a mandar le
 artellarie a la volta di Lignago, 12 pezi di 50, 16 di
 25, et lanze, polvere etc. fanno li guastadori, e cussi
 a Treviso.

Item, di l'Arsenal è stà homeni mandà a Cavar-
 zere per condur il ponte era li suso etc.

Di qui si manda fachini, over ajutanti, in campo.

Eri sera seguite che sier Vincenzo Pixani qu. sier